

Na osnovu člana 39. tačka b. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09) i člana 59. Zakona o građenju („Službene novine HNK“, broj: 4/2013), Ministarstvo građenja i prostornog uređenja Hercegovačko-neretvanskog kantona objavljuje:

## JAVNI POZIV

### **za podnošenje prijava za učešće u radu stručne komisije za tehnički pregled građevina i zahvata iz nadležnosti Hercegovačko-neretvanskog kantona**

#### I.

Pozivaju se sva zainteresirana stručna lica, odnosno specijalisti za pojedine oblasti, da podnesu prijave za sudjelovanje u radu stručnih komisija za vršenje tehničkog pregleda građevina i zahvata iz nadležnosti Hercegovačko-neretvanskog kantona, a u skladu sa članom 51. Zakona o građenju („Službene novine HNK“, broj: 4/2013), i to sljedećih struka:

- arhitektonske (urbanisti, projektanti, vodovoda i kanalizacije, zaštita kulturno-historijske baštine),
- građevinske (hidrotehnike, konstrukcija, geologija, geotehnika),
- geodezije,
- elektrotehničke (elektroenergetika, elektronika-automatika, telekomunikacije),
- mašinstva (inženjeri procesne tehnike, proizvodnog mašinstva, energetike i KGH tehnike),
- saobraćajne (drumski, željeznički, vazduhoplovni, poštanski i telekomunikacijski saobraćaj),
- tehnolozi raznih struka (prehrambena proizvodnja, procesna metalurgija i mehanička obrada metala, hemijski i veterinarski tehnolozi, tehnolozi drvne, papirne, kožarske i tekstilne industrije),
- poljoprivrede,
- šumarstva,
- rudarstva,
- zaštite okoline,
- zaštite na radu i zaštite od požara i eksplozija.

#### II.

Na Javni poziv mogu se prijaviti lica koja imaju najmanje VSS iz navedenih struka ili visoko obrazovanje drugog ciklusa Bolonjskog sistema obrazovanja sa najmanje 240 ECTS bodova, pet godina radnog iskustva u struci nakon sticanja diplome i položen stručni ispit.

Doktori i magistri nauka iz oblasti za koju se prijavljuju mogu dostaviti dokaz o sticanju naučnog zvanja umjesto uvjerenja o položenom stručnom ispitu.

#### III.

U stručne komisije za vršenje tehničkog pregleda građevina i zahvata iz nadležnosti Hercegovačko-neretvanskog kantona, ne mogu biti angažovana službena lica koja su sudjelovala u postupku izdavanja odobrenja za građenje.

#### IV.

Uz prijavu sa tačnom adresom i brojem telefona potrebno je priložiti i sljedeća dokumenta u originalu ili ovjerenoj kopiji:

- kratku biografiju sa listom referenci, uz obaveznu naznaku uže oblasti za koju se kandidat prijavljuje,
- diplomu o završenom visokom obrazovanju (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine),
- dokaz o radnom iskustvu iz tačke II. Javnog poziva,
- dokaz o položenom stručnom ispitу i/ili dokaz o sticanju naučnog zvanja, kao i dokaze o stručnom osposobljavanju za posebne oblasti predviđene posebnim propisima (uvjerenje o završenom programu obuke iz oblasti energetske efikasnosti, zaštite okoline i drugo),
- kopiju lične karte,
- naziv poslovne banke i broj transakcijskog računa.

#### V.

Prijave sa dokazima o ispunjavanju uslova iz tačke II. podnose se u roku od 30 dana od dana objavlјivanja Javnog poziva u sredstvima javnog informisanja, neposredno na protokol Ministarstva građenja i prostornog uređenja ili putem pošte na adresu:

**Hercegovačko-neretvanski kanton  
Ministarstvo građenja i prostornog uređenja  
Ul. Stjepana Radića 3  
88 000 Mostar**

sa naznakom „Prijava za sudjelovanje u radu stručnih komisija za tehnički pregled građevina i zahvata iz nadležnosti Hercegovačko-neretvanskog kantona“.

Nepotpune i neblagovremene prijave neće biti razmatrane.

O rezultatima nakon pregleda primljene dokumentacije zainteresovana stručna lica će biti obaviještena, najkasnije u roku od 30 dana, od dana zaključenja ovoga Javnog poziva. Dokumentacija predana uz prijavu se ne vraća podnosiocu.

Broj: 01-19-67/24

Mostar, 23.02.2024. godine

**M I N I S T A R**

**Bekir Isaković**